

葛無懷小集

春懷

向晚一鳩鳴道人春睡足無處寫幽懷
巡簷數修竹

絕句

夜雨漲波高二尺失却搗衣平正石天明水落石依然
老夫一夜空相憶

看山

我本田夫作比丘也知騎馬勝騎牛如今馬上看山
色不似騎牛得自由

寄楊誠齋

參禪學詩無兩法，臥蛇解弄活鱖。氣正心空眼自
高，吹毛不動全生殺。生机熟語却不排，近代獨有楊
誠齋。才名萬古付公論，風月四時輸好懷。知公別具
頂門竅，參得徹。吟得到趙州，禪在口皮邊。淵明詩
寫胸中妙用，則效君堯舜。前舍時便灌，庠陵園六十
四卦，只兩畫三百五篇。惟一言我與誠齋略相識，亦
不知他好官職。但知拚得忍飢，七十年菴梁如鐵心。
如石不曾屈膝，不皺者不把文章做出。詩玉川後身，
却不恠樂天。再世尤能奇，隔千里兮共明月。何似寒
灰相對撥，公亦何須要我。知我只欠公頭上髮。

醉書酒肆

碧床酒盞香拍浮，吳姬粉醉不識愁。黃金手揮博歌
頭，夜半春回楊柳樓。

竺澗梅

龍脊橋邊鶴膝幽，一枝斜亞水橫流。自從識破胡茄
曲，吹徹黃昏不解愁。

謝文思徐敬伯見訪

半山徐敬伯，薄官在中都。柳舍偷閑到，村醪就近沽。
易添詩債負，難得醉工夫。却羨漁樵叟，雖負一事無。

即事

春漲侵高岸春雲裏亂山倒遷揚柳活斜倚桔槔聞
世味老方淡花時晴最愜東風喚嬾動故、撼柴闕

重訪白石

長安唯白石與我最相閑每到難逢面翻思懶下山
欲歸愁路遠小住待君還盡日看幽桂無人似我閑

達摩渡芦像

一言已出駟難追賴得君王放過伊揚子江心抗折
篙浪頭何似問頭危

收白扁豆因得三首

齒髮中年態五園素隱心因裁白扁豆款當紫團參
篁管收繁英隄靡失茂陰蕭、簷外竹抱蔓替余吟
古香無伴侶一榻共雲分硯水塘頭過樵歌枕上聞
余生聊自適此意與誰論落葉如相委時敲月下門

仲春初二絕

落梅如雪雨如麻最怕春寒是杏花病後不能消滴
飲可憐芳信到貧家

初交二月草蒙茸隣里紛紛去折蓬柳下閉門非嬾
出苦無筋力趁兒童

湖上夜歸

陌上紅塵歇湖中翠靄生
空鍾山寺迥新月夜船清
蛙亂鳴方急鷗閑睡不驚
兒曹知我到認得打門聲

聞鳩

蟄動猶寒在鳩鳴恰睡餘
素傳鷹羽化多占鵲巢居
報我晴何用憐渠拙自如
年、偏感處風急杏花初

迎鷺

只尺春三月尋常百姓家
為迎新燕入不下舊簾遮
翅濕沾微雨泥香帶落花
巢成鵲長大相伴過年華

玩蝶

粉翅來何許春風卒未休
衆芳皆回識微雨是新愁

聞舞圍牆角貪香級蕊頭
與花俱不語相可自風流

聞杜鵑

望帝知何苦催歸不自禁
竄身依樹密啼血染花深
細雨離人淚遊絲蕩子心
青山明月夜老耳最知音

湖上觀柳偶記龍泉先生句
春柳一絲之句感而有述

斷槎無葉又無枝得似勾
春柳一絲不是畫船栖泊
處白鷗飛下立多時

嘗青梅

踈影橫斜處匆、入夏看綠陰
遮得暗青子結米酸

因病全疎酒如癡猶凭闌楊花無藉在風急正漫

開井

小圃新穿土中藏一丈空山腰泉脉透井口樹陰蒙
洗藥先資用煎茶已見功甘涼羞自薦汲許四隣同

龍井

龍獲深潭草木昏斷碑元祐典刑存蜀仙已去吳僧
少嶺上松篁亦斷魂

江山

連天芳草雨漫漫贏得鷗邊野水寬花欲盡時風撲
起柳綿無力護春寒

望越懷親

高帝陵邊我故序白雲慘淡帶蒼梧歸心政与江流
動更著青山隔岸呼

寄輔漢卿

憶殺平生輔漢卿武夷山裏話寒更不知新歲還家
未白髮衝冠有幾莖

訪端叔提幹

月趁潮頭上山隨拖尾行大江中夜滿双櫓半空鳴
雁冷來無幾鷗清睡不成平生師友地此夕最關情

山中題古墓

冢荒無樹亦無碑，土面磚痕似灼龜。
壞道尚存翁仲守，傳家知是子孫誰。
文成東海終難料，歎輞南山最可悲。
要寄此情浮世去，臨流說與落花知。

題謝耕道一犁春雨圖

耿耿思田舍，悠悠倚釣竿。
一犁歌短闕，十口飯長安。
老覺驅馳倦，生知稼穡難。
畫圖詩卷在，留與後人看。

即事

暮年居柳下，終日閉柴門。
壁為題詩暗，池因洗硯渾。
閑知真富貴，醉到古乾坤。
回首長安道，無言只斷魂。

偶成

始參龍象種，終現馬牛身。
再整衝冠髻，難忘漉酒巾。
散花天上女，撥草道中人。
寄語林和靖，非翁不卜鄰。

竹

此君別後稍添丁，留得清風鎮戶庭。
老鬢不禁霜點級，回鄰多似樹凋零。
一竿帶雪寒垂釣，數畝連苔晝掩扃。
此話有誰堪委似，幾回無語向青。

蓬居詠枇杷

早誦相如賦，知渠百姓盧。
花香冰裏見，風味藥中須。
細雨同梅熟，清聲混樂呼。
山禽喚老子，拍竹護金珠。

元夕

天街夜鼓徹雲霄一望星河影動搖佳節無如元夕
盛老懷不似少年豪紅塵卷陌青絲韉明月樓臺紫
玉簫誰料南坡招野叟詩肩相對兩峯高

簡道安

相將除夜南風起鴈已聲向北飛驥暖定知為雪
骨瘦年終不似冬肥日來病可方開酒節下春回稍
減衣正好伴分湖上去孤山覩裏看梅歸

澗泉招飲次日乃生朝

平生南澗古遺民初度招呼我輩人每聽謔談須絕
倒極知老氣改輪囷盃盤滿坐添燈火兒女成行勸
主賓但願吾儕似梅柳年年相見一回新

平居遣興

隔離人語自喧嘲緊閉苔扉不許敲談塵帶塵懸屋
角牽牛承露上林梢枝開得計心常足擬古成編手
自抄風雨欲來偏感處蟻先移穴鶴移巢

桃花

洞裏桃花自古初人間塵事幾乘除重來漁父難相
覓前度剝郎未忍踈画撒迎逢春女渡來符供奉歲
朝書嫣然似共幽篁語占盡風光奈得渠

偶題

綠樹何稠疊清風稍羨餘
枕紫雲片、簾透雨疎、
修篔通泉坐殘碑出野鉏
五陵知幾爰耕稼雜陶漁

西湖泛舟入靈隱山

晴嵐漠、水溶、落葉遮船翠
蓋重秋色盡為漁者
占山光多向道人濃雲連
舍抱前村樹、磴繞飛來小
朵峰送罷夕陽迎素月樓
臺高下自鳴鍾

梅花

寄遠含芳別隴頭胡沙漠、
去無休誰招青塚千年
魄散作黃昏萬斛愁畫角
霜清腸屢斷花光墨淡影
空當年、最憶前村夜一段
孤明雪亦羞

幽居

遠懷日與靜相宜山色窺
簾澗撼靡野草自花聊獻
笑重雲不雨漫垂衣人間
事業雜爭長睡裏工夫獨
造微却恠蒙莊猶寐語夢
為胡蝶未忘机

秋日湖西閑泛

雨洗千峯曉波涵萬頃秋
菱花開古鏡蓮葉度輕舟
思遠人誰識身閑世不收
望中時得句倚櫂雜吳謳

郊園避暑

有暑猶當避無憂可得忘
竹踈身共瘦湖近意先涼
靜勝寧須爽幽酣不待觴
還同殘夢樂炎背負朝陽

小峰行樂却望北山

霜高群木落湖上數峰秋野笛歸牛徑烟蓑宿鷺州
望中多隱約佳處小遲留百歲無虛日能堪幾度游

蝶

黛拂雙眉粉襯毫翅烘時日伴相遭戲勾穉子從花
遠恐惹遊絲莫開高柳一條來仍易散深交舞為
誰芳吳王花草勝玉筆千載風流敵楚騷

杏花

陌上春泥苦未乾絳唇漸吐不禁寒海棠向晚教誰
伴山帽衝風每自看聲好最憐清曉賣味甘長記錄
陰團年、過雨臙脂落時序關心有幾般

林間石

摩挲只作釣砣着相伴秦翁且住小霜洗田_田枝人共
瘦蘚侵孤韻雀因閑因思樵牧分爭處已過唐虞揖
遜間風月滿林時憇寂三生幽事夢中還

小隱自題

水拍荒籬外山攢落照邊鴉、乘犢去鴨、伴鷗眠
思淡秋雲薄情高隴月圓武陵知避世初不為求仙

夏日池上

微波漾、雨濛、岸脚烟莎間水藻照影已無雙鬢

綠闌心猶有一丝風死鴛對浴紅衣撲菡萏相親翠
蓋籠醉舞夢吟皆勝處箇中非異亦非同

孤山後寫望

凭高每歎昔人非空有群峯礙落暉大雅風流誰舉
似長安秋草又衰微寒花負約開猶爛幽鳥忘機起
不飛來往半生堪記處西村燈火夜船歸

小舟

萬頃波中獨釣身短倉促屋曰忽綸自憐清夜歌明
月誰共滄洲采白蘋

梅花

桃李麤疎合負荆歲寒標格許誰并花中有道須稱
最天下無香可聞清倚竹向人如少訴臨流窺影更
多情何當喚取相纒起伴我空山茹落英

孤山後舟中寫望

水接遙空分外寬孤山月出靜中看疑從弱水移圓
嶠似共姮娥住廣寒秋雨初過後荷花荷葉半
凋殘西村數點歸鴉濕老子新題墨未乾

詠畫上人石湖春望

蕩々春風草木香茫茫澤國水雲長鶯來占柳為歌
院蝶去尋花作醉鄉閑與物情聊品帶老於文字媿

巡行望中別有閑情處幾度朝陽又夕陽

湖村晚興

殘霞伴孤鷺遠晚雜斜暉秋向詩中出人從畫裏歸
柳塘雙槳急茆舍一燈微小艇穿籬入蒲蓬正擁扉

雪後

雪中多日靜湖上少人遊禿樹花為市斷槎鷗當舟
一杯殘臘酒萬古夕陽愁富貴非吾願葛天雲正浮
冷葉通幽信孤山欠幾遭益因寒更滿句到淡方高
雪滴晴簷雨松翻夜壑濤布衾雅似缺猶念早趨朝

臘雪

片、嘉平瑞無声有耿光來雖成頃刻釀亦費商量
天闌花無賴風休絮不狂孤山林處士魂在隴頭香

和子舒冷泉夜坐

亭空山盡入人靜夜初分喬木陰遮月清泉影浸雲
不題波上葉只採澗中芹澗水令人憶何當入郡聞

宿裴庵

一徑松杉迥成陰見日稀山晴僧盡出風暖燕交飛
結子花拋樹闌人犬護扉閑看山月上清坐更添衣

答趙紫芝

九月離東加長安了歲華未登揚子渡先訪葛翁家

天作今朝雪燈開昨夜花一杯能強飲不必問丹砂

簡趙紫芝

紫芝雖漫仕五字已專城清坐有仙骨苦吟無官情
囊因詩句重分與酒盃輕所好煎茶外燒香過一生

清明前四日泛湖

繞岸堆青嶂游船滿綠波樓臺臨水近楊柳占春多
老去誰同調尊前且放歌韶華能幾日隨棹已新荷

送薛子舒赴官

憶君江上去船重載書多學乃從吾好閑應喜客過
薰風新綠樹明月旧滄波自古閑情處相思入詠歌

訪紫芝回與子舒集

君參唐句法親得浪仙衣薄宦因吟苦高風與世連
春寒笛夜飲月黑借燈歸共隱知何日空山老蕨薇

即事用天竺韻

寒食少逢天氣佳十朝九日雨如麻新巢唯有燕生
子小巷已無人賣花

夏日

曉荷承墜露晚岫嶂斜陽樹下地常蔭水邊風最涼
蟬移鶯鶻近鷺起得魚忙獨坐觀群動閑消夏日長

雜詩

下竺山前打一遭丁寧門子看溪橋恐驚繞磧梅花
落莫遣行人語笑高

雨中

梅雨朝仍暮蓮塘夏似秋水高侵樹脚屋漏滴人頭
歇畫厨烟出占晴礎汗收群山思會面扶病一登樓

元夕

元宵有月便無愁已是新年第一籌說与素娥從此
去只須依樣做中秋

送薛子舒

南渡今何似中流欲濟艤雖憑人擊楫要若水行川
竹木如山積桑田与海連吳宮猶可問白鳥暮推煙
海邑青龍鎮船官野鶴身誰知貴公子却是苦吟人
二陸多遺迹三高屬近隣新篇因弔古時寄葛天民

次紫芝韻

欽羨私居好樓深夏必涼小窻通遠岫古木蔽斜陽
露檻安花斛麈編滿竹床如君清到骨只合靜焚香

小亭

小亭終日對幽叢兀坐無言似定中蒼蘚靜連湘竹
紫綠陰深映蜀葵紅猫來戲捉穿花蝶雀下偷御卷
葉虫斜照尚多高柳少明年更欲種梧桐

上巳呈嚴叟

時俗常談已斷霜，雨寒翻著絮衣裳。
花枝照眼堂中去，茗椀關心故、香楊柳稍傳。
鶯割據，荇茨敢望燕。商量日遊莫，誦蘭亭語，自覺中年易感傷。

荷葉浦中

急雨捎荷分外奇，珠玑狼籍錦紗披。
下塘六月關心處，西塞扁舟入手時。
却傍青芦深處宿，還思白石去年詩。
平生浩蕩烟波趣，月淡風微只自知。

贈眇目道人說相

道人只具一隻眼，覲面全提格外機。
塵裏神仙誰做，得歸來試舉問麻衣。

戊辰夏五過抱朴岩

北窻隱、透南薰老子前身是此君。
冷入魚腮池面雨，靜連禽語樹頭雲。
苔因覓句行未破，石為覓空坐得溫。
時事自多無耳聽，長安雖近不曾聞。

元夕西陵橋觀月

年頭半月雪漫漫，養就姮娥玉一團。
老小今宵奇絕處，西陵橋上獨凭闌。

雨中郊外

暖氣先回宿草根青，行可藉芳尊未湏著意催花。

柳且為乾坤補燒痕

正月二日

小巷春陰獨掩扉
峭寒著盡過冬衣
老來情緒無多
子禁得梅花似雪飛

正月二十七雨中過蘇堤

一堤楊柳占春風
柳外群山細雨中
人苦未晴渾不
到只宜老眼看空濛

清明日訪白石不值

花齋懸燈柳插簷
老懷那得似錫甜
畫舫已載先生
去燕子無人自入簾

送劉僧善行

西望群山碧入吳
故人一片雲俱東
風不斷村
柳展盡陽關送客圖

湖堤晚步

照影憐寒水
關情奈夕陽
雪慳天久冷
年近日添長
好句誰相寄
浮生各自忙
有身聊頓放
七事可思量

懷天竺欄梅

根在岩邊結
枝從水際橫
此花殊近道
凡木欠修行
密雪籠幽片
疎篁倚瘦莖
那時看不淺
憶我話無生

柳下即事

老柳中間野岸濱，水清常照樹分邊。
身白鷗黃鳥相忘，久來往如今不避人。

睡少

睡少秋難曉，吟多食愈貧。
南柯無近闕，差盡夢中人。

湖上新秋

十里荷風盡，盡傾城中憶。
秋水邊清，催詩未用西湖雨。
且送新涼入帝城。

六月一日同姜白石泛湖

六月西湖帶雨山，小舟終日傍鷗閒。
風烟如許閑情甚，賓主相推下語難。
幾點送君歸大雅，一涼今夜滿

長安。江湖遠思知多少，歸去風前各倚闌。

正月十二日夜姚江

斷岸春風峭，空江夜雨清。
蕭疎蓬上點，彷彿葉間聲。
今古双眸冷，乾坤一棹輕。
鬢從湖海白，誰識謝郎情。

雨中獨酌

平生寡合雖竭斗，幾曾自飲一杯酒。
不因風月與湖山，更為松篁與花柳。
今夕何夕風雨來，知儂渴肺生秋埃。
麴生三緘忽自薦，請為風雨聊一開。
老夫呼前呼未了，死生脫帽傾懷抱。
風雨橫斜入坐中，賓主淋漓俱醉倒。
須臾風止雨亦休，主人送客疑双眸。
葛天

無懷不可狀但覺兩耳風颼：忽：便是中秋節更
與麴生潛地说此夜寧容著雜賓一尊只辦澆明月

水仙

玉潤金寒窈窕身翩：翠袖挽青春水晶宮裏成仙
女香醉山中得道人朔雪幾回埋不死南洲一出淨
無塵扑翁老矣誰同調相對無言意轉親

